

Rumah Terbuka Gerakan Pada Hari Pertama Tahun Baru Cina
Bernama
19 Januari, 2012

KUALA LUMPUR, 19 Jan (Bernama) -- Gerakan akan mengadakan Rumah Terbuka Tahun Baru Cina pada 23 Jan, hari pertama perayaan Tahun Baru Cina di Menara PGRM di sini, menurut kenyataan parti itu.

Perdana Menteri Datuk Seri Najib Tun Razak, Presiden Gerakan Tan Sri Dr Koh Tsu Koon serta orang kenamaan lain dijangka menghadiri rumah terbuka itu yang akan diadakan dari 10 pagi hingga 1 tengah hari di Dewan Wawasan, Tingkat 4, Menara PGRM, Menara 1.

Orang ramai dijemput menghadiri dan meraikan sambutan Tahun Baru Cina dengan Perdana Menteri serta pemimpin-pemimpin parti komponen Barisan Nasional dan badan bukan kerajaan (NGO).

---BERNAMA

Hakcipta © 2012 BERNAMA

Source: <http://www.bernama.com/bernama/v6/bm/newsindex.php?id=641257>